



Vatn..., og såpe

*BVA leverer eit av dei viktigaste verkemiddela mot smittespreiing - vatn!
Foto: SYNLEG | Vegard Røsland / Shutterstock*

Årsmelding 2020

DET SPESIELLE ÅRET!

Året tok til som normalt, med oppstart av ordinære driftsoppgåver og investeringsprosjekt. I månedskiftet februar / mars fekk me informasjon om at Covid-19 pandemien hadde nådd Norge. Kriseplanar vart funne fram og oppdatert i forhold til pandemi.

Kanskje me ville få ein litt tøff måned?

Dei fleste såg nok for seg ein litt tøff måned med korona før me var tilbake til normalen. - Litt etter litt gjekk det opp for oss at dette var stort, alvorleg og vanskeleg å forstå rekkevidda av.

Midt i mars kom pandemien også til Bømlo og dei planane me hadde oppdatert og delvis laga nye, vart plutselig reelle og sett i verk. For BVA betydde det innføring av ei rekke tiltak, mellom anna at:

- Stort sett heile administrasjonen vart sendt heim på heimekontor
- Det vart kjøpt inn desinfeksjonsmiddel og munnbind
- Besøk på både hovudkontor og stasjonar vart sterkt avgrensa
- Driftsoperatørane fekk ulike oppmøtestadar og strenge reglar om korleis ein skulle forhalda seg med tanke på avstand, hygiene osv.
- Fysiske møter vart avlyst både internt og eksternt og det vart lagt ned forbod mot deltaking på treff utanom kommunen
- Teams og Zoom vart dei nye treffpunkta

Samfunnskritisk selskap og krisestab

Forutan desse tiltaka vart det også sett krisestab sidan BVA er definert som eit såkalla «samfunnskritisk» selskap. Alle desse tiltaka sto ved lag fram til 1. juni. Frå denne dagen og gjennom ferien gjekk drifta stort sett som normalt. Mange av dei eksterne tiltaka sto likevel ved lag gjennom heile året.

Då pandemien kom i mars var det raskt semje om at me ikkje ynskja å starte arbeid som kunne medføre fare for stenging av verken vatn eller avløy. Grunnen var

usikkerheita rundt pandemien. Aktiviteten på planlagde operasjonar vart derfor utsett i påvente av meir informasjon og kunnskap. Oppgåver utan den store risikoen for abonnenten vart likevel gjennomført

Godt lagarbeid med dyktige medarbeidarar

Etter kvart som året gjekk synte det seg at pandemien utvikla seg med enorme samfunnsmessige konsekvensar både for enkeltmenneske, næringsliv og offentlege etatar. Vatn og såpe blei eit særst viktige verkemiddel i kampen mot smittespreiinga. Kunnskap om virus og kva det eigentleg er måtte ut. I Friskt nr. 9 informerte me om både såpe og vatn, virus, beredskap og anna. Og på nytt måtte me erkjenne at det er laget vårt, dei dyktige medarbeidarane i BVA, me måtte setja vår lit til. Dei som ihuga og med stor fagkunnskap sørger for at me har godt, sunt vatn i springen og eit velfungerande, forskriftsmessig avløpssystem i drift.

Noko annleis enn forventat

Om me skal prøva oss på ei oppsummering må det bli at dette året blei noko heilt anna enn det me såg for oss då me starta i januar. Men takka vere gode digitale løysingar, gode rutinar og system, stå-på-vilje hos dei tilsette og ei god «dugnadsånd» i samfunnet kom me gjennom det. - Det er som «@skribente» so treffande uttrykte det i eit tankevekkande, lite dikt i Friskt: «Det me tek for gitt er det alltid nokon som jobbar for».

Så no bretter me opp ermene og satsar på eit nytt år der pandemien blir slått ned og vårt arbeid kan fortsetja vidare i tråd med visjonen: **Liv, helse og vekst til våre kundar og vår vakre natur!**



Audun Halleraker
Dagleg leiar

Prosjekt

Det er mange prosjekt som både skal planleggjast og byggjast for å kunna følgja utviklinga i kommunen. Nedanfor følgjer ei oversikt over prosjekta med aktivitet i 2020. Prosjekt som er direkte konsekvens av Bømlopakken er vist for seg.

Bømlopakken

Sakseid – Hidle

Hidle – Hestaneset

Ekornsæter – Tormodsætre

Tormodsætre – Sakseid

Status pr. 31.12.2020

Under planlegging

Ferdig

Planleggjast seinare

Planleggjast seinare

Hovudanlegg vassforsyning

Naustbakken - Serklau - Spissøy

Forprosjekt Åreiddalen – Vorland

Hamren inkl. nødvatn

Fortau Rubbestadneset, vatn, avløp og overvatn

Vorland-Hovlandshagen ledning vatn

Høgdebasseng Langevåg

Ferdig

Under planlegging

Starta opp

Ferdig

Ferdig

Under planlegging

Investeringar

Totalt er det investert for kr. 15 395 000 i 2020 (kr 17 561 000 i 2019).

Dette er eit normalår for investeringar i BVA. Investeringane er fordelt slik:

Vatn nye prosjekt: 11 110 000

Avløp nye prosjekt: 3 308 000

Utstyr og inventar: 977 000

Tilsette

Ved inngangen til 2020 var det tilsett elleve driftsoperatørar, to driftsleiarar, ein kontrollør, to sekretærar, ein kontorleiar og dagleg leiar.

Ved utgangen av året er det totalt 18 årsverk.



15 395 000

KRONER INVESTERT I 2020

Drift

Grunna koronasituasjonen og usikkerheita rundt fare for smitte osb. dei første månadane, vart det før sommarferien berre konsentrert seg om å halde anlegga i gang og ikkje starte arbeid som kunne medføre unødig fare for verken driftsoperatørar eller abonnentar.

Vatn

Første halvår hadde fokus på å halde alle anlegg i drift for på den måten unngå unødig stopp i produksjon.

Siste halvår starta me oppatt med litt større driftsoppgaver som lekkasjesøk, pluggkjøring og utskifting av dårlege vasskummar og vassleidningar.

Avløp

På same måte som innan vatn vart også arbeidet innan avløpssida redusert grunna usikkerheita koronaen ville ha på direkte arbeid med avløp, samt for å unngå unødig stopp for abonnentane.

I siste halvår var ein tilbake med ordinær drift i forhold til utskifting av kummar og dårlege leidningar. Strekningar som ein veit er ei driftsmessig utfordring vart prioritert i forhold til pluggkjøring for å hindre utilsikta tette leidningar.

På overvassida har arbeidet med registrering av innlekk og separering av spillvatn og overvatn pågått heile året. Dette er eit omfattande arbeid som krev både tolmod og erfaring for å gjennomførast på ein god måte.

Økonomi

Kommunestyret gjorde i desember 2019 vedtak om årlege gebyr for 2020 etter innstilling frå BVA. Vedtaka innebar ein auke innan avløp med 5,0 % og ingen endring på årleg gebyr for vatn for eit gjennomsnittleg stort bustadhus.

Totalt sett medførte vedtaket for 2020 ein auke på ca 2,9 % for den gjennomsnittlege abonnent.

Ei oversikt over fonda syner følgjande:	Overskot vatn	Overskot avløp
Status pr. 31.12.2019:	9 472 549	467 401
Årsresultat:	812 999	1 029 540
Status pr. 31.12.2020:	10 285 548	1 496 941

BVA driv si verksemd etter sjølvkostprinsippet og har av den grunn strenge reglar for bruk av overskot eller underskot.




1 630 000 000

LITER VATN PRODUSERT I 2020

Miljø

BVA starta med systematisk prøvetaking av utsleppa i 2014. Diagram 1 viser ei oversikt over kvart utslepp og resultatet for disse i 2020.

Diagram 1: Prøveresultat utslepp 2020 (mg/ liter)



Produksjon

Vatn

I 2020 produserte BVA totalt ca. 1,63 mill. m³ vatn. Dette er nesten på likt nivå som i 2019. Då vart det produsert ca. 1,65 mill. m³ vatn.

Lekkasje utgjer ca. 22 % av produksjonen.

Diagram 2 viser ei oversikt over produsert mengde vatn pr. måned, fordelt på dei tre vassreinseanlegga våre.

Diagram 3 viser utviklinga av produsert vatn dei siste åra, fordelt pr. kvartal.

Diagram 2: Produksjon vatn pr. måned 2020(m³)





Diagram 3: Produksjon av vatn (m³) pr. kvartal, frå 2012 til 2020. Mengda produsert vatn har gått ned år for år, og årsaka er at mindre vatn lek ut. Me ser også at det blir produsert ulik mengd vatn til ulike tid på året.

Det er viktig å ha ei god oversikt over kvar vatnet blir brukt, for å kunna vita noko om lekkasjeandelen. Diagram 4 viser ei prosentvis fordeling av kvar vatnet blei levert i 2020.

■	Forbruk målar	39 %
■	Fritidshus	1 %
■	Bustad areal	38 %
■	Lekkasje	22 %



19 974

SIDEVISNINGAR PÅ BVA.NO I 2020




Diagram 4: Prosentvis fordeling av vatn 2020

Slam

BVA har ca. 20 offentlege slamtankar som blir tømt etter ein fast syklus. Alt slam blir køyrt til Svartasmoget i Fitjar kommune for kompostering.

I 2020 er det tatt ut ca. 833 tonn slam frå offentlege slamtankar. Oversikt over fordelinga av mengde frå dei forskjellige slamtankane er vist i diagram 5.

Ei samanlikning dei siste åra av totalmengde slam, er vist i diagram 6.

Diagram 6: Produksjon slam pr. år (tonn)





Diagram 5: Prosentvis levering av slam





Lekkasjesøk - Tor Eivind Gilje søker etter lekkasje på Moster
Foto: SYNLEG | Vegard Røsland



Styret si årsberetning for 2020

Verksemda

Selskapet sitt føremål er kjøp, utbygging, drift og vedlikehald av vass- og avløpsanlegg i Bømlo kommune. BVA har eigedomsretten til alle vass- og avløpsanlegg som tidlegare var Bømlo kommune sin eigedom. Selskapet har ansvaret for utbygging av nyanlegg, og totalansvaret for drift og vedlikehald av vass- og avløpsanlegga i Bømlo kommune.

BVA skal finansiera si verksemd etter sjølvkostprinsippet. Det skal ikkje betalast utbytte til eigarane. Kommunestyret har gjort vedtak om at sjølvkost blir berekna etter inntekt og utgift ført etter BVA sitt rekneskap.

BVA driv verksemda si i Bømlo kommune.

Likestilling

BVA har som målsetting at begge kjønn skal handsamast likt. Av dei fast tilsette er 3 kvinner og 15 menn.

Ved framtidige tilsetjingar vil BVA ha fokus på å utjamne kjønnsbalansen der kvalifikasjon elles er lik.

Styret består av 6 medlemmar. Ein av medlemmane i styret er valt av dei tilsette. 5 av medlemmane er valt av eigarane. Av disse 5 er det 2 kvinner og 3 menn.

Arbeidsmiljø

Arbeidsmiljøet i selskapet er godt.

Samla sjukefråvær har i 2020 vore 10,9 %. Styret er ikkje kjent med at fråværet skuldast arbeidsforhold i selskapet.

Det har ikkje vore alvorlege arbeidsuhell i BVA i 2020. Vernerundar har blitt gjennomført i samsvar med selskapet sine rutinar.

Ytre miljø

BVA har frå 01.01.2003 overtatt ansvaret for alle offentlege kloakkutslepp som tidlegare var Bømlo kommune sitt ansvar. Gjeldande utsleppsløyve for kloakk er gjeve av Fylkesmannen i Hordaland. Bømlo kommune er forureiningsmynde for alle utslepp som BVA har ansvaret for.

Det er ikkje registrert uønskte hendingar knytt til ytre miljø i 2020.

Tømming og kompostering av slam frå BVA sine reinseanlegg skjer etter avtale med Sunnhordland Interkommunale Miljøverk, SIM. Kompostering av slam skjer på SIM sitt anlegg i Svartasmoget i Fitjar kommune.

Rekneskap og resultatdisponering

Rekneskapen er gjort opp under føresetnad av vidare drift av selskapet.

Selskapet hadde i 2020 ei **driftsinntekt på kr. 50 754 647** som hovudsakleg kom frå vass- og avløpsgebyr.

Samla **driftskostnad** var i 2020 kr. **44 810 854** der avskrivning av driftsmidlar utgjer kr. 10 569 923

Netto rentekostnad kr. 4 376 211 er renter på lån kr. 253 875 951 i Kommunalbanken, KLP og Kommunekreditt.

Selskapet har kommunal garanti (sjølvskyldnargaranti) for låna.

Årsoppgjeret viser eit **overskot på kr. 1 842 539** som styret føreslår blir overført til overskotsfond.

Selskapet har opparbeida seg overskotsfond for vatn og avløp. Desse skal etter

sjølvkostprinsippet reduserast dei næraste åra og er å rekna som abonnentane sine midlar.

Frå 01.01.2020 trådte ny sjølvkostforskrift i kraft og selskapet har for rekneskapsåret 2020 berekna sjølvkostrekneskapet etter denne.

Avvik mellom ordinært resultat og sjølvkostresultat er i all hovudsak knytt til renteberekening. Kalkulatorisk rente etter forskrifta er i 2020 1,39%. Dette er historisk lågt og kan knyttes til covid-19 situasjonen som medførte at styringsrenta ble redusert til 0%.

Selskapet er delvis finansiert med fastrentelån slik kommunestyret i Bømlo har vedteke. Dette har medført at faktiske rentekostnader gjennom året oversteig kalkylerenta.

Styret meiner at årsrekneskapen gjev eit rettvisebilete av Bømlo Vatn og Avløpsselskap AS sine eignelutar og gjeld, finansielle stilling og resultat.

Gitte Gard Talmo

Styreleiar
sign.

Arve Hindenes

Nestleiar
sign.

Åsmund Håvik

Styremedlem
sign.

Hans Otto Robberstad

Styremedlem
sign.

Aslaug S. Huse

Styremedlem
sign.

Trond Å. Sandnes

Styremedlem
sign.

Audun Halleraker

Dagleg leiar
sign.

Resultatrekneskap

	Notar	2020	2019
Driftsinntekter og driftskostnader			
Salsinntekter		47 559 322	45 544 000
Anna driftsinntekt		3 195 326	1 917 106
Sum driftsinntekter		50 754 647	47 461 106
Varekostnad		2 140 812	2 476 581
Lønskostnad m.m.	3,10	14 293 253	15 386 422
Avskrivning på driftsmidler	4	10 569 923	10 346 242
Anna driftskostnad	3	17 806 866	18 211 026
Sum driftskostnader		44 810 854	46 420 271
Driftsresultat	6	5 943 793	1 040 835
Finansinntekter og finanskostnader			
Anna renteinntekt		278 379	425 783
Anna finansinntekt		0	77
Anna rentekostnad		4 376 211	5 069 490
Anna finanskostnad		3 421	0
Resultat av finansposter		-4 101 253	-4 643 630
Årsresultat	7	1 842 539	-3 602 795
Overføringer			
Overført anna egenkapital		-1 842 539	3 602 795
Sum overføringer		1 842 539	-3 602 795



Balanse - Egedelar

	Notar	2020	2019
Varige driftsmidlar			
Tomter, bygningar o.a. fast eigedom	4	13 932 736	14 337 402
Distribusjon og produksjon vatn	4	151 626 337	146 542 801
Distribusjon og produksjon avløp	4	74 642 119	74 953 329
Driftslausøyre, inventar o.a. utstyr	4	2 470 504	2 013 127
Sum varige driftsmidlar		242 671 696	237 846 659
Egenkapital innskot			
Lån til foretak i samme konsern		59 785	0
Investeringer i aksjer og andeler KLP		468 715	419 786
Sum finansielle anleggsmidlar		528 500	419 786
Sum anleggsmidlar		243 200 196	238 266 445
Omløpsmidlar			
Lager av varer og anna behaldning		947 842	910 052
Fordringar			
Kundefordringar	5	9 862 779	10 501 466
Andre fordringar	5	135 708	228 798
Sum fordringar		9 998 487	10 730 264
Bankinnskot	2	20 563 859	19 798 751
Sum omløpsmidlar		31 510 120	31 439 066
Sum egedelar		274 710 383	269 705 512

Balanse - Eigenkapital og gjeld

	Notar	2020	2019
Aksjekapital		3 000 000	3 000 000
Sum innskoten eigenkapital	7	3 000 000	3 000 000
Opptent eigenkapital			
Fond vatn		10 285 548	9 472 549
Fond avløp		1 496 941	467 401
Sum opptent eigenkapital	7	11 782 490	9 939 951
Sum eigenkapital		14 782 490	12 939 951
Anna langsiktig gjeld			
Gjeld til kredittinstitusjonar	8	253 875 951	244 875 951
Sum anna langsiktig gjeld		253 875 951	244 875 951
Kortsiktig gjeld			
Leverandørgjeld		1 849 582	6 033 203
Skattetrekk og andre trekk		1 590 215	1 581 238
Anna kortsiktig gjeld	9	2 612 146	4 275 168
Sum kortsiktig gjeld		6 051 942	11 889 610
Sum gjeld		259 927 893	256 765 561
Sum eigenkapital og gjeld		274 710 383	269 705 512

Gitte Gard Talmo
Styreleiar
sign.

Arve Hindenes
Nestleiar
sign.

Åsmund Håvik
Styremedlem
sign.

Hans Otto Robberstad
Styremedlem
sign.

Aslaug S. Huse
Styremedlem
sign.

Trond Å.Sandnes
Styremedlem
sign.

Audun Halleraker
Dagleg leiar
sign.

Notar til rekneskopen 2020 - Note 1 Rekneskapsprinsipp

Årsrekneskopen er satt opp i samsvar med rekneskapslova av 1998 og god rekneskapsskikk i Noreg.

Hovudregel for vurdering og klassifisering av eigedelar og gjeld

Eigedelar til varig eige eller bruk, samt fordringar med forfall meir enn eit år etter balansedagen, er klassifisert som anleggsmidlar. Øvrige eigedelar er klassifisert som omløpsmidlar.

Fordringar som skal tilbakebetales innan eit år er klassifisert som omløpsmidlar.

Gjeld som forfell seinare enn eit år etter utgang av rekneskapsperioden er klassifisert som langsiktig gjeld.

Varige driftsmidlar er vurdert til historisk kost etter frådrag for bedriftsøkonomiske avskrivningar som er rekna på grunnlag av kostpris og venta økonomisk levetid.

Annan langsiktig gjeld og kortsiktig gjeld er vurdert til pålydande beløp.

Aktiverte renter

Selskapet vedtok i 2011 at det ikkje lenger skulle reknast byggelånsrenter på eigne prosjekt.

Varer

Behaldning av varer er vurdert til inntakskost.

Inntektsføring- og kostnadsføringstidspunkt - samanstilling

Inntekt resultatførast som hovudregel når den er opptent. Utgifter samanstillast med og kostnadsførast samtidig med dei inntekter utgiftene kan jamførast til.

Utgifter som ikkje kan jamførast direkte til inntekter, kostnadsførast når dei oppstår.

Fordringar

Fordringar er vurdert til pålydande med frådrag for forventa tap.

Skattekostnad

Selskapet er ikkje skattepliktig.

Disponering av årsresultat, sjølvkostprinsippet

Selskapet skal drivast etter sjølvkostprinsipp, jamfør vedtektene. Resultatet vil svinga mellom overskot og underskot, og disponering av resultat skjer ved overføring til og frå eigenkapital.

Kommunestyret har gjort vedtak om at sjølvkost blir berekna etter inntekt og utgift ført etter BVA sitt rekneskap.

Med bakgrunn i dette har styret gjort vedtak om å bruke faktisk rente i sjølvkostrekneskopen og dette er nytta fram til og med 2019.

Forskrift om berekning av samla sjølvkost for kommunale og fylkeskommunale gebyr {sjølvkostforskrifta} trådte i kraft frå 1.1.2020, og selskapet har for rekneskapsåret 2020 berekna sjølvkostresultat for vatn- og avløpsområdet i note 6 etter forskrifta.

Pensjoner

Pensjonsforpliktelser knytta til ytelsesordning balanseføres ikkje. Alle innbetalingar til forsikringsselskapet kostnadsføres. Pensjonsforpliktelser knytta til AFP-ordningen balanseføres berre for den delen som ansatte har valgt å ta ut. Forpliktelse knytta til fremtidig AFP-uttak balanseføres ikkje.



Notar til rekneskapan 2020 - Note 2 Bankinnskot

Av totale bankinnskot er kr. 661 914,- bunde til skuldig skattetrekk.



Note 3 Løn og godtgjersler

	2020	2019
Løn og feriepengar	13 130 653	12 392 987
Folketrygdavgift	1 333 972	1 493 894
Pensjonskostnadar	1 370 815	1 262 122
Investering personal vatn og avløp	-879 968	-457 580
Andre ytingar	-662 219	694 999
Sum	14 293 253	15 386 422
Antal årsverk sysselsatt i rekneskapsåret: 18		
Løn og godtgjersle til dagleg leiar for 2020:	Lønn	989 735
	Annan godtgjersle	4 392
		994 127
Styrehonorar		235 950
Av dette er godtgjersle til styreleiar kr 82 100, nestleiar kr 40 700 og styremedlemar/varamedlemar kr 113 150		
Honorar til revisor		58 500 ekskl. mva
Rekneskapsteknisk bistand revisor		19 800 ekskl. mva



Notar til rekneskapan 2020 - Note 4 Varige driftsmidlar

Kostpris og ordinære avskr.	Tomt	Felles bygning	Infra- struktur vatn	Infrastruktur avløp	Inventar, utstyr	Totalt
Kostpris 1.1						
+ Tilgang i år	1 700 000	15 411 183	207 880 150	114 018 547	11 720 850	350 730 730
- Avgang i år		25 197	11 109 771	3 308 141	951 850	15 394 959
Kostpris 31.12		0	0	0	0	0
	1 700 000	15 436 380	218 989 921	117 326 688	12 672 700	366 125 689
Akk. ordinære avskrivningar 1.1	0	-2 773 781	-61 337 349	-39 065 220	-9 707 722	-71 636 462
+ ordinære avskrivningar i år	0	-429 864	-6 026 236	-3 619 350	-494 473	-10 569 923
- akk. avskrivningar selde driftsmidlar						0
Akk. ordinære avskrivningar 31.12	0	-3 203 645	-67 363 585	-42 684 570	-10 202 195	-123 453 995
Akk. nedskrivningar 1.1	0	0		0	0	0
+ nedskrivningar i år	0	0		0	0	0
Akk. nedskrivningar 31.12	0	0	0	0	0	0
Sum varige driftsmidlar	1 700 000	12 232 735	151 626 336	74 642 119	2 470 504	242 671 696
% ordinære avskrivningar	0%	2,5-5%	2,5-5%	2,5-5%	10-20%	



Notar til rekneskapen 2020 - Notar 5-6

Note 5 - Fordringar

Fordringar omløpsmidlar


Kundefordringar er vurdert til pålydande med frådrag for forventta tap på krav kr 360.000. Konstatert tap i 2020 er kr 15 961,- mot kr 40 228,- i 2019.

Andre fordringar er vurdert til pålydande, og utgjer:	2020	2019
Til gode meirverdiavgift	0	0
Andre kortsiktige fordringar	135 708	228 798
Sum andre fordringar	135 708	228 798

Note 6 - Resultat fordelt på avgiftsområde

Resultat fordelt på avgiftsområde med faktisk rente	Avløp	Vatn	Sum
Driftsinntekter	19 565 141	31 189 506	50 754 646
Driftskostnader	12 935 934	21 018 344	33 954 278
Sum	6 629 206	10 171 162	16 800 368
Netto finanskostnader	5 456 340	9 214 837	14 671 177
Andel øvrige 50/50	143 327	143 327	286 654
Resultat med faktisk rente	1 029 539	812 998	1 842 539

Resultat fordelt på avgiftsområde med kalkulatorisk rente	Avløp	Vatn	Sum
Driftsinntekter	19 565 141	31 189 506	50 754 646
Driftskostnader	17 024 598	27 511 298	44 535 896
Årets resultat eks finans	2 540 543	3 678 208	6 218 750
Kalkulatoriske renter	-1 153 508	-2 186 095	-3 339 603
Sjølvcost resultat	1 387 035	1 492 113	2 879 147



Avvik mellom ordinært resultat og sjølvcostresultat er i all hovudsak knytt til rentebereking. Kalkulatorisk rente etter forskrifta er 1,39% i 2020. Dette er historisk lågt og kan knyttes til covid-19 situasjonen som medførte at styringsrenta ble redusert til 0%. Selskapet er delvis finansiert med fastrentelån slik kommunestyret i Bømlo har vedteke.

Dette har medført at faktiske rentekostnader gjennom året overstig kalkylerenta og annan eigenkapital i 2020 blir negativ med kr 1 036 608 i tillegg til kalkulatorisk rente sjølvcostfond med kr 156 254.

Notar til rekneskapen 2020 - Notar 7-8

Note 7 Eigenkapital

Selskapet sin aksjekapital er på kr 3.000.000, fordelt på 30 aksjer á kr 100.000. Alle aksjene vert eigd av Bømlo Kommune.

Eigenkapital:	Aksjekapital	Andel avløp	Andel vatn	Annan eigenkap.	Sum eigenkap.
Eigenkapital 01.01.2020	3 000 000	467 402	9 472 549		12 939 949
Årsresultat		1 387 035	1 492 113	-1 036 608	1 842 539
Kalkulatorisk rente sjølvkostfond		15 185	141 069	-156 254	0
Eigenkapital 31.12.2020	3 000 000	1 869 622	11 105 731	-1 192 862	14 782 490



Note 8 Avdragsplan langsiktig gjeld

	2021	2022	2023	2024	2025	Etter 2025
Avdragsplan for selskapet sitt lån:	12 000 000	12 000 000	13 000 000	13 500 000	14 000 000	189 375 951

Det er stilt kommunal sjølvskyldnargaranti for alle lån. Tre lån har fast rente, dei resterande låna har flytande rente pr. 31.12.2020.

Långivar:	Sum pr. 31.12.2020:	Rente:	
Lån Kommunalbanken	54 794 960	0,95 %	Bømlo Vatn og
Lån Kommunalbanken	50 847 601	0,98 %	Avløpsselskap har
Lån KLP (nytt september 2013)	24 854 968	0,98 %	i 2019 inngått
Kommunekreditt	26 470 588	0,95 %	rentebytteavtale
Kommunalbanken	34 736 800	0,95 %	(renteswap) på NOK
Kommunalbanken	13 618 410	0,95 %	20 mill. Rente 1,9 %.
Kommunalbanken	14 605 260	fastrentelån 6 år	Rentebytteavtalen
KLP Banken AS	14 210 524	fastrentelån 5 år	går over 8 år og er
Lån Kommunalbanken	19 736 840	fastrentelån 10 år	inngått for perioden
			18.12.2019 -
			15.12.2027

Note 9 Anna kortsiktig gjeld

Anna kortsiktig gjeld utgjær:	2020	2019
Skuldig løn og feriepengar	1 959 533	2 079 568
Påløpt ikkje forfalt rente	270 726	309 583
Andre påløpne kostnader	381 887	1 886 017
Sum anna kortsiktig gjeld	2 612 146	4 275 168



Notar til rekneskopen 2020 - Note 10 Pensjonskostnader

Selskapet har kollektiv pensjonsavtale for dei tilsette som oppfyller krav i lov om tenestepensjon. Premien vert kostnadsført løpande. I år er premien på kr. 1 596 987,-. Årets kostnad er redusert med arbeidstakers andel på 2 %. Selskapets ytelsesbaserte pensjonsordningar gir rett til definerte fremtidige ytelser. Disse er i hovudsak avhengig av antall opptjeningsår, lønnsnivå ved oppnådd pensjonsalder og størrelsen på ytelsane frå folketrygden. Forpliktelsane er satt på fond hos KLP. I tråd med god regnskapsskikk for små foretak er ikkje selskapets pensjonsforpliktelse balanseført.

Ikkje balanseført pensjonsforpliktelse	31.12.20	31.12.19
Brutto påløpt pensjonsforpliktelse	24 597 097	21 185 165
Pensjonsmidler	19 490 517	18 854 894
Netto forpliktelse før arb.avgift	5 106 580	2 330 271
Arbeidsgiveravgift	541 297	247 009
Netto forpliktelse inkl. aga	5 647 877	2 577 280
Aktuarielt gevinst(tap) ekskl.aga	-983 617	1623292
Aktuarielt gevinst (tap) aga	-104 263	172 069
Netto forpliktelse/(midler) etter aga	4 559 997	4372641
Herav aga	437 034	419 078

Ytelsesbasert ordning:		
Aktive	18	19
Pensjonister	3	3
Totalt	21	22

Økonomiske forutsetninger (ytelsesbaserte ordninger)	31.12.20	31.12.19
Diskonteringsrente	1,50%	2,30%
Lønnsvekst	2,00%	2,25%
G-regulering	1,75%	2,00%
Pensjonsregulering	0,99%	1,24%
Forventa avkastning	2,40%	3,80%
Agasats	10,60%	10,60%
Amortiseringstid	10	10
Korridorstørrelse	10,00%	10,00%



Til generalforsamlingen i Bømlo Vatn og Avløpsselskap AS

UAVHENGIG REVISORS BERETNING

Fråsegn om revisjonen av årsrekneskapen

Konklusjon

Vi har revidert Bømlo Vatn og Avløpsselskap AS sin årsrekneskap som viser eit overskot på kr 1 842 539. Årsrekneskapen er samansett av balanse per 31. desember 2020, resultatrekneskap for rekneskapsåret avslutta per denne datoen og notar til årsrekneskapen, medrekna eit samandrag av viktige rekneskapsprinsipp.

Etter vår meining er årsrekneskapen som følgjer med, gitt i samsvar med lov og forskrifter og gir eit rettvise bilete av selskapet si finansielle stilling per 31. desember 2020, og av resultatene for rekneskapsåret som vart avslutta per denne datoen, i samsvar med rekneskapslova sine reglar og god rekneskapskikk i Noreg.

Grunnlag for konklusjonen

Vi har gjennomført revisjonen i samsvar med lov, forskrift og god revisjonsskikk i Noreg, medrekna dei internasjonale revisjonsstandardane International Standards on Auditing (ISA-ane). Våre oppgåver og plikter etter desse standardane er beskrivne i Revisor sine oppgåver og plikter ved revisjon av årsrekneskapen. Vi er uavhengige av selskapet slik det er krav om i lov og forskrift, og har oppfylt dei andre etiske pliktene våre i samsvar med desse krava. Etter vår oppfatning er innhenta revisjonsbevis tilstrekkeleg og formålstjenleg som grunnlag for konklusjonen vår.

Ytterlegare informasjon

Leiinga er ansvarleg for ytterlegare informasjon. Ytterlegare informasjon omfattar informasjon i årsrapporten bortsett frå årsrekneskapen og den tilhøyrande revisjonsmeldinga.

Vår fråsegn om revisjonen av årsrekneskapen dekkjer ikkje ytterlegare informasjon, og vi attesterer ikkje den ytterlegare informasjonen.

I samband med revisjonen av årsrekneskapen er det oppgåva vår å lese den ytterlegare informasjonen for å vurdere om det er vesentleg inkonsistens mellom han og årsrekneskapen eller kunnskap vi har opparbeidd under revisjonen, eller om han tilsynelatande inneheld vesentleg feilinformasjon.

Dersom vi konkluderer med at den ytterlegare informasjonen inneheld vesentleg feilinformasjon er vi pålagde å rapportere det. Vi har ikkje noko å rapportere i så måte.

Styret og dagleg leiar sitt ansvar for årsrekneskapen

Styret og dagleg leiar (leiinga) er ansvarleg for å utarbeide årsrekneskapen i samsvar med lov og forskrifter, og for at han gir eit rettvise bilete i samsvar med rekneskapslova sine reglar og god rekneskapskikk i Noreg. Leiinga er også ansvarleg for naudsynt intern kontroll for å kunne utarbeide ein årsrekneskap som ikkje inneheld vesentleg feilinformasjon, verken som følgje av misleg framferd eller feil som ikkje er tilsikta.

Ved utarbeidinga av årsrekneskapen må leiinga ta standpunkt til selskapet si evne til å halde fram med drifta og opplyse om tilhøve av betydning for dette. Føresetnaden om at drifta kan halde fram, skal leggjast til grunn for årsrekneskapen så lenge det ikkje er sannsynleg at verksemda vil bli avvikla.

Revisor sine oppgåver og plikter ved revisjon av årsrekneskapen

Målet med revisjonen er å oppnå tryggande sikkerheit for at årsrekneskapen totalt sett ikkje inneheld vesentleg feilinformasjon, verken som følgje av misleg framferd eller feil som ikkje er tilsikta, og å gi ei revisjonsmelding som inneheld konklusjonen vår. Tryggande sikkerheit er ein høg grad av tryggleik, men ingen garanti for at ein revisjon utført i samsvar med lov, forskrift og god revisjonsskikk i Noreg, og ISA-ane, alltid vil avdekke vesentleg feilinformasjon som eksisterer. Feilinformasjon kan oppstå som følgje av misleg framferd eller feil som ikkje er tilsikta. Feilinformasjon blir vurdert som vesentleg dersom han, åleine

eller samla, innanfor rimelege grenser kan forventast å påverke økonomiske avgjerder som brukarane tar basert på årsrekneskapen.

Som del av ein revisjon i samsvar med lov, forskrift og god revisjonsskikk i Noreg, og ISA-ane, utøver vi profesjonelt skjønn og viser profesjonell skepsis gjennom heile revisjonen. I tillegg:

- identifiserer og anslår vi risikoen for vesentleg feilinformasjon i årsrekneskapen, enten det skuldast misleg framferd eller feil som ikkje er tilsikta. Vi utformar og gjennomfører revisjonshandlingar for å handtere slike risikoar, og hentar inn revisjonsbevis som er tilstrekkeleg og formålstenleg som grunnlag for konklusjonen vår.
- Risikoen for at vesentleg feilinformasjon som følgje av misleg framferd ikkje blir avdekkta, er høgare enn for feilinformasjon som skuldast feil som ikkje er tilsikta, sidan misleg framferd kan innebere samarbeid, forfalsking, bevisste utelatingar, urette framstillingar, eller brot på interne kontrollrutinar.
- opparbeider vi oss ei forståing av intern kontroll som er relevant for revisjonen, for å utforme revisjonshandlingar som er formålstenlege etter tilhøva, men ikkje for å gi uttrykk for ei meining om effektiviteten av selskapet sin interne kontroll.
- evaluerer vi om rekneskapsprinsippa som er brukte, er formålstenlege, og vurderer om rekneskapsestimata og tilhøyrande noteopplysningar som er utarbeidde av leiinga, er rimelege.
- konkluderer vi, basert på innhenta revisjonsbevis, på om leiinga sin bruk av framleis drift-føresetnaden ved fastsetting av årsrekneskapen er formålstenleg og om det er vesentleg uvisse knytt til hendingar eller tilhøve som kan skape tvil av betydning om selskapet si evne til å halde fram med drifta. Dersom vi konkluderer med at det eksisterer vesentleg uvisse, må vi i revisjonsmeldinga gjere merksam på tilleggsopplysningane i årsrekneskapen, eller, dersom slike tilleggsopplysningar ikkje er tilstrekkelege, at vi modifiserer konklusjonen vår om årsrekneskapen. Konklusjonane våre er basert på revisjonsbevis innhenta inntil datoen for revisjonsmeldinga.

Etterfølgjande hendingar eller tilhøve kan likevel føre til at selskapet ikkje held fram med drifta.

- evaluerer vi den totale presentasjonen, strukturen og innhaldet i årsrekneskapen, og tilleggsopplysningane, og om årsrekneskapen representerer dei underliggjande transaksjonane og hendingane på ein måte som gir eit rettvisande bilete.

Vi kommuniserer med dei som har overordna ansvar for styring og kontroll mellom anna om det planlagde omfanget av revisjonen og til kva tid revisjonsarbeidet skal utførast. Vi utvekslar også informasjon om tilhøve av betydning som vi har avdekkta i løpet av revisjonen, samt om eventuelle svakheiter av betydning i den interne kontrollen.

Utsegn om andre lovmessige krav

Konklusjon om registrering og dokumentasjon

Basert på revisjonen vår av årsrekneskapen slik den er beskriven ovanfor, og kontrollhandlingar vi har funne nødvendige etter internasjonal standard for attestasjonsoppdrag (ISAE) 3000 «Attestasjonsoppdrag som ikke er revisjon eller forenklet revisorkontroll av historisk finansiell informasjon», meiner vi at leiinga har oppfylt plikta si til å sørje for ordentleg og oversiktleg registrering og dokumentasjon av selskapet sine rekneskapsopplysningar i samsvar med lov og god bokføringsskikk i Noreg.

Haugesund, 30. mars 2021

Deloitte AS

Else Holst-Larsen
statsautorisert revisor





Vedtekter for Bømlo Vatn og Avløpsselskap AS

§ 1 Selskapet sitt namn.

Selskapet sitt namn er Bømlo Vatn og Avløpsselskap AS.

§ 2 Selskapet sitt forretningskontor.

Selskapet sitt forretningskontor er i Bømlo kommune.

§ 3 Selskapet sitt føremål.

Selskapet sitt føremål er kjøp, utbygging, drift og vedlikehald av vatn og avløpsanlegg i Bømlo kommune, og andre oppgåver i tilknytning til dette. Selskapet kan også utføra oppdrag for andre kommunar og privat verksemd, og engasjera seg i liknande verksemd. Selskapet skal grunna sitt allmenntilgjengelig føremål drivast etter sjølvkostprinsippet. Administrasjonsmålet til selskapet skal vera nynorsk.

§ 4 Selskapet sin aksjekapital.

Selskapet sin aksjekapital er kr. 3 000 000. Kvar aksje sitt pålydande er kr. 100 000. Aksjekapitalen er fordelt på 30 aksjar. Selskapet er eit heileigd kommunalt aksjeselskap.

§ 5 Utbytte.

Det skal ikkje betalast utbytte til aksjonærane. Selskapet skal drive si verksemd etter sjølvkostprinsippet. Eventuelle overskot skal nyttast til finansiering av tiltak innanfor vassforsyning og avløpsutbygging i Bømlo kommune.

Ved eventuell oppløysing av selskapet skal eigenkapitalen nyttast til utbygging og drift av vatn og avløpsanlegg i Bømlo kommune.

§ 6 Selskapet sitt styre.

Selskapet sitt styre skal ha frå 5 - 6 medlemmar med 2 stk nummererte varamedlemmar. Generalforsamlinga vel 5 av styremedlemmane og varamedlemmer. Generalforsamlinga kan gjere vedtak om at dei tilsette skal ha eit styremedlem med varamedlem, som veljast av og blant dei tilsette i selskapet.

Styret blir valt for 2 år av gangen. Styret sin leiar og nestleiar blir valt ved særskilt val av generalforsamlinga.

§ 7 Selskapet sin signatur og prokura.

Signatur teiknast av leiar i styret saman med eit av styremedlemmane. Styret kan meddele prokura.

§ 8 Sal av aksjar.

Overdraging av aksjar må for å vera gyldige vera godkjent av selskapet si generalforsamling.

§ 9 Generalforsamling.

Selskapet si ordinære generalforsamling skal haldast kvart år innan utgangen av juni, og skal handsama følgjande :

1. Godkjenning av årsmelding, årsrekneskap og revisjonsmelding.
2. Disponering av overskot eller dekning av underskot.
3. Val av styre.
4. Fastsetjing av godtgjersle til styret og revisor.
5. Andre saker som etter lov eller vedtekter høyrer inn under generalforsamlinga.

Kunngjering til aksjonærane om generalforsamling skjer ikkje i offentlege publikasjonar. Årsrekneskapen, årsmelding og revisjonsmelding skal sendast ut seinast 2 - to - veker før generalforsamlinga.

Alle saker som ein aksjonær ønskjer tatt opp i ordinær generalforsamling skal vera skriftleg og sendt styret innan 3 - tre - veker før generalforsamling Alle dokument som skal leggjast fram på generalforsamlinga, skal i varslingsperioden vera utlagt på selskapet sitt kontor.

§ 10 Vedtektsending.

Vedtektsending og avgjersle om å løyse opp selskapet krev tilslutning frå minst 2/3 av den totale aksjekapitalen i selskapet.

§ 11 Generelt.

Aksjelova sine reglar gjeld i den utstrekning ikkje anna er fastsett i vedtektene.



BØMLO VATN OG AVLØPSELSKAP AS
Pb 214, 5445 Bremnes
Besøk: Høllundsålen 21
Org. nr. 985 228 825

